

ACORDO POLO QUE SE ENCARGA Á SOCIEDADE XESTORA DO CENTRO DE INVESTIGACIÓN EN TECNOLOXÍAS DA INFORMACIÓN E AS COMUNICACIÓNS (CITIC) S.L., A EXECUCION DE ACCIÓNS DE DIVULGACIÓN E SENSIBILIZACIÓN DIRIXIDAS AO FOMENTO DE VOCACIÓNS DAS TIC ENTRE XÓVENES MEDIANTE A PARTICIPACIÓN NUN PROGRAMA DE FOMENTO DO TALENTO TECNOLÓXICO APLICADO A PERSOAS CON DIVERSIDADE FUNCIONAL

ANTECEDENTES

PRIMEIRO. Segundo a sección segunda, artigo terceiro bis dos Estatutos das Sociedade Xestora do Centro de Investigación en Tecnoloxías da Información e as Comunicacóns S.L. (en adiante S.X. CITIC), establécese que a sociedade é medio propio da Universidade da Coruña (en adiante UDC), considerándose a relación da S.X. CITIC coa UDC, para todos os efectos, de carácter interno, dependente e subordinado, e articulándose a través de encargos de xestión, de conformidade co previsto na Lei de Contratos do sector público (LCSP).

SEGUNDO. A S.X. CITIC conta cunha axeitada estrutura organizativa, capacidade de escalado do seu servizo e un coñecemento especializado requirido para dar resposta ás demandas xeradas pola sociedade e para potenciar as relacións da UDC con empresas e entidades sociais.

TERCEIRO. A S.X. CITIC é unha entidade recoñecida no ámbito empresarial, dispón dun coñecemento aplicado ben como dos recursos técnicos necesarios para cumprir coa xestión que requiren os servizos da UDC.

CUARTO. Dentro dos fins e finalidades da UDC e do seu Consello Social está o fomento da divulgación científica, a formación en competencias profesionais e a orientación vocacional dos xóvenes preuniversitarios.

QUINTO. Polo dito anteriormente, a UDC e o seu Consello Social poden encargar á S.X. CITIC a xestión económica de actuacións de visibilidade e proxectos no ámbito do fomento de vocacións tecnolóxicas requiríndose o establecemento dun axeitado marco da actuación conforme ao seguinte,

ENCARGO DE XESTIÓN

PRIMEIRO. O presente encargo baséase no artigo 32 da LCSP tendo, polo tanto, un carácter obrigatorio para o S.X. CITIC quen deberá aceptala e executala conforme ás instrucións técnicas e académicas dadas pola UDC, para a interpretación dos traballos encomendados e o seguimento deste

SEGUNDO. O obxecto do encargo é a xestión económica-administrativa das seguintes actuacións

- Participación e fortalecemento das actuacións do proxecto de talentos inclusivos no que se traballa con grupos cooperativos de mozos de bacharelato, profesores da UDC, e persoas con discapacidade e institucións, para a creación de solucións tecnolóxicas que faciliten as actividades da vida cotiá de persoas con discapacidade e proxectos de sustentabilidade

TERCEIRO. Para o financiamento das tarefas indicadas na cláusula terceira, o Consello Social da UDC transferirá un importe de 10.600€ a favor da S.X. CITIC. A S.X. CITIC poderá repercutir contra o orzamento as tarifas polo servizos de xestión económico-administrativa (5%) e en concepto de secretaría técnica (2,5%).

CUARTO. Para a xustificación dos servizos encomendados, a S.X. CITIC entregará á UDC e ao seu Consello Social o deseño da actuación definida no punto SEGUNDO.

Código Seguro De Verificación	qnD0IPcUB+zTf4ivp0xusQ==	Estado	Data e hora
Asinado Por	Reitor - Julio Ernesto Abalde Alonso	Asinado	22/10/2021 08:27:41
	PRESIDENTE DO CONSELLO SOCIAL - Antonio Abril Abadin	Asinado	21/10/2021 22:27:48
Observacións		Páxina	1/2
Url De Verificación	https://sede.udc.gal/services/validation/qnD0IPcUB+zTf4ivp0xusQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



En todos os documentos que se xeren e nos actos públicos que se celebren farase constar explicitamente a condición do Consello Social como entidade financiadora.

No suposto de non se xustificar o importe total adiantado pola Consello Social, a S.X. CITIC, reintegrará ao Consello Social o saldo pendente de xustificar.

QUINTO. Nas súas actuacións xerais, organizativas e de apoio que permitan o desenvolvemento do presente encargo, a S.X. CITIC empregará o galego, podendo utilizar para conformidade lingüística o Servizo de Normalización Lingüística da UDC.

SEXTO. En ningún caso a realización do encargo suporá a existencia dunha relación funcional ou laboral do persoal da S.X. CITIC coa UDC.

SÉPTIMO. É responsabilidade da S.X. CITIC fornecer cantos medios humanos e materiais fosen precisos para a realización dos traballos, incluída a infraestrutura asignada pola UDC á S.X. CITIC.

OITAVO. A UDC e os seu Consello Social poderán realizar os labores de inspección, comprobación ou seguimento que considerase oportuno sobre a realización dos traballos do encargo.

NOVENO. O presente encargo de xestión entrará en vigor o día da súa sinatura ata o 30 de novembro de 2021.

DÉCIMO. Corresponde á UDC a través da Secretaría Xeral a interpretación do presente encargo así como resolver as posibles discrepancias que puidesen xurdir na súa execución.

Por todo o indicado,

ACÓRDASE

PRIMEIRO. E ÚNICO. Encargar á S.X. CITIC as actuacións referidas no apartado SEGUNDO nas condicións que se indican neste encargo de xestión.

SEGUNDO. O orzamento para ditas actuacións ascende a cantidade de DEZ MIL SEISCENTOS EUROS (10.600,00 EUROS). Este importe non está suxeito a IVE e financiarase con cargo á partida orzamentario do Consello Social que se detalla a continuación: 1100 111A 44200.

O Presidente do Consello Social

O reitor da Universidade da Coruña

Antonio Abril Abadín

Julio Abalde Alonso

Código Seguro De Verificación	qnD0IPcUB+zTf4ivp0xusQ==		Estado	Data e hora
Asinado Por	Reitor - Julio Ernesto Abalde Alonso		Asinado	22/10/2021 08:27:41
	PRESIDENTE DO CONSELLO SOCIAL - Antonio Abril Abadín		Asinado	21/10/2021 22:27:48
Observacións			Páxina	2/2
Url De Verificación	https://sede.udc.gal/services/validation/qnD0IPcUB+zTf4ivp0xusQ==			
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).			

